

明

史

明史卷三百二十一

列傳一百七十二

劉綎

鄧子龍

李應祥

陳璘

馬孔英

吳廣

童元鎮

劉綎南昌人都督顯子勇敢有父風用歷為指揮使萬曆初從顯討九絲蠻先登却賊勇冠諸軍遷雲南迤東守備改南京小教場坐營十年冬緬甸犯永昌騰越巡撫劉世曾請濟師明年閏二月擢綎游擊將軍署騰衝守備事緬甸去雲南故遠自其酋莽瑞體以兵威服屬諸番其勢遂強屢侵擾邊境有岳鳳者

祖父江西撫州人商於隴川鳳驍築多智技宣撫多  
士寧為記室士寧妻以妹鳳媚士寧而奪之權與三  
宣六慰諸酋深相結遂軟血謀叛誘士寧往見瑞體  
潛與于曩烏醜殺之并殺其妻子奪其金牌印符受  
瑞體偽命代士寧為宣撫瑞體死于應裡嗣鳳父子  
誘官軍敗之獻士寧母胡氏及族黨六百餘人於應  
裡盡殺之初與木邦酋罕拔同謀逆後譖而置之死  
結耿馬賊罕虔南甸以合刀落參芒市土舍放正堂  
協心助逆應裡乃令從父猛別弟阿瓦與鳳虔落參  
正堂等各率象兵數十萬分道內侵攻甯美盡遣千

崖南旬木邦老姚恩旬諸處沒掠軍民不可勝計竊  
騰越永昌大理蒙化景東鎮沅元江諸郡所在震驚  
已陷順寧破孟達掠男女八百人又令曩烏引緬兵  
突犯猛淋指揮吳繼勳等戰死鄧州土官知州何鈺  
鳳僚塔也使招之鳳繫獻慮裡當是時車里八百孟  
養木邦孟良猛密蠻莫皆助戰且以兵賦故賊勢益  
盛黔國公沐昌祚聞警移駐洱海巡撫世魯亦移楚  
雄大徵漢土軍得數萬人令參政趙睿壁蒙化副使  
胡心得壁騰衝陸通霄壁趙州僉事楊際熙壁永昌  
與監軍副使傅寵姜忻督叅將胡大賓等分道進擊

連戰于盩達隴川南甸猛淋屢陽夾象石諸處並有  
斬獲其他大小獲十餘戰積首功千六百有奇猛別  
刁落參並授首已而鄧子龍至擊斬罕度于姚關賊  
益奪氣其年七月應裡趣鳳進兵東寇姚關北據膠  
甸芒市鈺復開示百方與之盟誓會緘亦至軍軍聲  
益振鳳懼乃遣使來見繕遣兄子亨赴永昌謁監軍  
並厚賚遣還緘復使使諭以禍福十上月鳳果令妻  
子及部曲九十餘人來降緘責令獻還金牌印符及  
鑾莫猛密地方許自新而亦送鳳妻子還隴川為老  
分兵急趨沙木籠山諸處餘隊立營而已馳無隴川

近境鳳慶四面皆兵欲逃燕祈明年正月朔遂期時  
軍門降緹受之復分兵追緬緬將散奪先已乘叢道  
留少兵守龍川緹進攻之曩烏亦降緬兵悉就縛乃  
携鳳父子往攻蠻莫蠻莫賊知鳳已降馳報應裡將  
大發兵再圍龍川緹未勝長舉掩賊不備賊倉皇敗  
奔官軍追入賊砦賊窘甚乞降緹要以五事遂縛緬  
人及象馬未獻蠻莫平遂招撫孟養賊將聞之未象  
走官軍追獲之復移師圍孟臉生擒其魁雲南平獻  
俘於朝帝為告謝郊廟受百官賀內閣中時行以下  
悉進官廕予緹亦進副總兵于世廕鈺賜白金二千

乃改孟密安撫司為宣撫增設安撫二曰蠻莫曰耿  
馬長官司二曰猛賧曰猛養千戶所二一居姚關一  
居猛淋皆名之曰鎮安而緄以副總兵署臨元泰將  
移鎮蠻莫初鳳之降本用計誘致而巡撫世曾稱為  
陣擒遂行獻俘禮叙功及于閣部論者哂之未幾緬  
人僂大舉寇孟密孟密戰敗賊遂進圍五章把總高  
國春聞警急提兵赴援屢戰破之賊乃遁去是役也  
國春提卒五百人破賊激萬群五章圍窮追旬日連  
摧六營為西南戰功第一捷聞國春進官世廕副亦  
戶緄亦獲優叙先是蠻莫設安撫以土官恩順有功

特授之緹納其重賄又緹部將謝世祿等淫其妻殊  
思順大怨緹將家子有父顯故時部曲多健兒緹擁  
以自雄征緬之役劫兵金沙江築將臺于王驥故址  
招徠諸蠻廓清遠徼威名甚盛然性貪鄙下無法兵  
還至騰衝守甲而操以將校賧餉為詞焚民居百七  
十家城中大擾緹在蠻莫聞之馳至騰衝以五百人  
自衛亂卒不敢動亦不肯還伍緹出公私財犒之始  
定還至蠻莫思順恐禍及遂叛歸莽苗詔革緹任以  
游擊候調無何而羅維之變起羅維者曲靖屬州也  
者氏世為知州嘉靖時者濟嗣職見警長妻美殺而



奪之生子繼榮年十四卽持刀逐殺濬濬大驚欲刃之以母故不忍鋤之別室後年老無化子乃釋繼榮俾襲職繼榮既得州卽逐濬濬訴之上官俾迎濬歸歸卽囚之如曩日囚已狀并囚其嫡母陸氏而逼蒸父妾有沙氏者不從自縊死濬復遣使訴上官繼榮殺之中道會有征緬之役徵繼榮兵將行慮留濬為後患遂弑之時霑蓋土知州安世以卒妻安素儀典州事亦提兵赴調繼榮見素儀大悅遂與合營而陸之聞越州土舍海現有寡婣資氏美強與之通知州越慮奎怒謀殺之繼榮脫走自以不容於衆且恃有

異相遂懷不執志妖僧王道漲道見而大驚謂繼榮  
必奇貴奉以為主日夜用符術鍊丁甲煽聚徒黨歸  
者日衆獨外弟隆有義不從繼榮乃築寨赤龍山  
廣六十里建龍樓鳳閣環以堅城其下有龍潭九口  
甚險隘盡質却將妻子於其中而已晝夜為淫樂十  
三年冬遂分遣其黨四出攻剽廣西師定陸涼諸府  
州咸被其患於是巡撫世曾檄調漢土軍屬監司程  
正誼鄭壁等分屯要害禦之會緄解官至露蓋世曾  
喜令與裨將劉紹桂萬葵分道進討緄引軍直搗赤  
龍山拔之斬一人獲其妻妾數人招降者四十餘人

繼榮逸去移師連克三砦斬王道張道俘獲男婦千餘人招降者倍之追亡至阿拜江陰有義部卒斬繼榮首以獻招降者獲四千人賊盡平時諸將獲首功止五十餘級而撫降者乃至萬餘人論者稱其不妄殺云賊平世曾請築城改設流官分由靖衛軍戍之制可乃以何倭知州事土舍者繼仁為巡檢未幾土酋必六復聚黨反殺繼仁執倭通吏民同反諸吏民不肯則迫使具牒上官請予冠帶上官即賜之冠帶而令辨士數人用計誘之已而使得逸歸叅將蔡兆吉等諸軍亦集連攻拔數砦俘斬者千人必六伏誅

餘悉撫定乃改羅雄曰羅平設千戶所曰定雄一切  
制度視中土部內遂寧鑑初緝之破繼禁也有言其  
私賊財物者絀其功不錄己世曾上書辨誣乃賜白  
金得卽推用尋用為廣西叅將移四川二十年召授  
五軍三營叅將會朝鮮用師擬請率川兵五千赴援  
詔以副總兵從征至則倭已棄王京遁擬提兵趨尚  
州烏嶺嶺亘七十里懸崖峭壁中通一線灌木叢雜  
騎不得成列倭尚拒險而別將查大受祖承訓等由  
間道踰槐山出烏嶺後倭大驚遂移駐釜山浦擬及  
承訓等進屯大丘忠州而別以水兵布釜山海口朝

鮮略定未幾倭遣小西飛納款隨犯咸安晉州逼全  
羅李如松急遣李平胡查大受屯南原祖承訓李率  
毛威陽緹屯陝川扼之已倭果分犯諸將並有新獲  
倭乃從釜山移西生浦送王子歸朝鮮而如松大軍  
遂撤還止留緹及游擊吳惟思兩軍合七千六百人  
分扼要害已而總督顧養謙力主盡撤惟忠及緹亦  
先後還屬播酋楊應龍作亂擢緹四川總兵官金星  
馳受事緹戍朝鮮二年雖無赫赫功然孤軍遠戍勞  
勤甚著緹覲勩功優叙乃行賄御史宋興祖興祖以  
聞法當褫奪部議功不可掩請盡革雲南所加功級

以副總兵鎮四川報可尋以應龍輸款而青海賊數  
擾遣廷議特設臨洮總兵官乃移緹任之二十四年  
三月首火真昆都魯及成他卜囊等擁衆掠番潛窺  
內地緹部將周國柱等率兵擊之與戰于莽刺川腦  
火技斬首百三十有奇獲馬牛雜畜以二萬計帝為  
告郊廟宣捷緹等進秩予廕有差明年五月朝鮮再  
用師詔緹充禦倭總兵官提督漢土兵赴討又明年  
二月抵朝鮮則楊鏞李如梅諸軍已敗經畧邢玠乃  
分軍為三中董一元東麻賁西則緹而陳璘崑將水  
軍七月緹進營水源時倭亦分三路其西路行長據

順天壕皆深固不可攻。緹欲以計誘執之，乃遣間使入倭營，請與期會。而申盟誓，行長初未信。使者三反，緹皆車騎俟道中。行長覘知之，乃信。期八月朔，相與定約。至期，將赴會。緹部下有洩其謀者，行長大驚。中道逸去。緹計不就，率兵進攻，失利。監軍叅政王士琦聞之，怒，傳令縛其中軍。緹懼，不敢歸。督諸將力戰，破之。賊退入營，不敢復出。九月，諸將三道進師。緹遁，賊營撓，戰勝之。驅賊入大城。已賊，聞平秀吉死，將遁。歸。緹因賊詐降，夜半攻其不意，遂奪栗林、曳橋，斬獲多。石曼子引舟師來救，遇陳璘海中，邀擊，行長遂棄順。

天乘小艇遁暨班師進緹都督同知世應千戶遂移  
師征楊應龍會四川總兵官萬葵罷即以緹代之時  
兵分八道而川居其四川東又分為二以蔡江道最  
要令緹當之其年十月緹至即部署諸將進兵應龍  
常赴徵調熟緹才聞之頗懼乃益兵固守要害二十  
八年正月諸將進攻丁山銅鼓巖村諸砦克之二月  
奉師期遂直搗楠木山羊簡臺三峒峒陔絕險峻而  
賊將穆焯等統衆數萬糾連為營諸將憚之緹分兵  
攻其三面大戮于李漢壩賊潰敗生擒其魁餘賊奔  
入峒將士乘勢追逐連克三關直抵峒前積草焚之



時風逆將兩緹下馬祈禱風即旋火入峒中賊多死  
三峒盡克穆焄及賊魁吳尚華被擒納降者千餘是  
日緹躬督戰左手持賞金右手挺劍大呼曰用命  
者賞不用命者誅此劍一時赴闕死者四十人遂致  
克捷應龍乃遣子朝棟惟棟心腹楊珠統銳卒數萬  
人由松坡魚渡羅古池三道並進緹密以萬人伏羅  
古待松坎賊以萬人伏營外待魚渡賊而別以一軍  
主策慮三月朔賊果乘夜來衝伏兵盡起格鬪勝負  
未分質明緹率部下血戰緹手舞大刀連馘數人賊  
披靡斬首數百連奔五十里而還賊益奪氣聚守石

虎閩緹亦虞其再至，掘塹自守。初，緹聞征播之命，恃功驕恣，遠邇不即赴。且多狡難，以要朝廷。言官惡之，交章論劾。兵部議調南京右府僉事。至是，緹聞即辭。任督府李化龍以平播非緹不可，固留之。而力荐于朝。緹乃復受事。進兵，抵夜却，舊城賊于滴波三坡尾。空坪石虎閩據險，設守仰攻，甚難。緹督將士攻數日，盡克之。又連克數大砦，追亡逐北，直抵姜山閩。而軍姜山萬峰，揀天叢菁蔽日，中通一路，纜數尺，賊壘石架樓，設木閩十三座，排柵數層。復用大米橫截中，為深坑，置竹簽百餘，俱俯緹。重賞鄉導，分奇兵為左右。

路取間道疾趨閩後而緹自以大軍攻其前是月晦  
賊出閩迎戰閩上矢石如雨官軍火器齊發斃其渠  
魁數人餘賊大潰官軍乘勢毀柵填壑而入遂奪其  
閩連至永安莊兩路軍亦來會緹老將持重慮賊衝  
突全聯絡列營一據委山閩為老營一據白石口為  
腰營一據永安莊為前營互為聲援都指揮王芬者  
勇而寡謀每戰輒請為前鋒以當賊至是連戰皆捷  
有輕敵心獨結營松門柵之衝離大營十里時賊方  
有烏江之勝謀發兵再奪委山適穆焯遣使懷芬孤  
軍獨入狀賊喜夜半以大軍襲之芬營壘未定士馬

矢擲力戰死守備陳大綱天全招討楊愈亦死馬失  
七士卒二千人緹聞急提兵往救部將周以德周敦  
吉分左右夾攻賊始大奔迨至養馬城而還是日應  
龍親督戰幾被獲自是不敢窺姜山緹懲前失剴於  
近關堅壁不動且請濟師制府屢趣踰十餘日始進  
兵克復水圍營于冠子山尋會馬孔英吳廣諸軍直  
逼海龍圍下竟與諸將共平賊緹之功為多初李化  
龍之荐緹也言官謂緹嘗納應龍厚賄宜奪官從軍  
自劾兵部如其議乃謫充為事官戴罪辦賊緹德化  
龍使使賫玉帶一黃金百白金千枝化龍家為化龍

父所叱投巡按御史崔景榮家亦如之後化龍景榮  
並奏其事詔革緹任永不收錄後其物于官有監生  
吳中彥者素無賴賺緹及貴州總官李遇文重賞許  
入都鑽刺事覺中彥輸死緹再命永錮已錄平播功  
進左都督世廕指揮使三十六年雲南阿克反起緹  
討賊總兵官無何賊平寢前命四十年四川建昌獯  
夷亂命緹為總兵官討之緹至借叅政王之機分兵  
令道舒諸將進攻而已居中節制所向摧破先克桐  
槽沈漳二木砦再攻阿都屢下越北諸砦獲克之大  
小五千餘戰斬賊三千三百有奇還被掠者以寸計

諸探巢穴一空。綬為將數被黜，抑而性驕恣，如故嘗與馬湖知府唐淑念爭，遂奮拳毆之。事聞，淑改調。綬奪祿半年，戴罪視事。久之以軍政拾遺罷歸。四十六年，遼事起，召為左府僉書。明年二月，楊鎬四路出師，命綬為竟莫進副使，康應乾監之。別遣游擊喬一琦監朝鮮軍，並進綬鎮蜀。久好用蜀兵，至是久待未至，遂行而所分路獨險遠，重固疊嶺，懸崖仄徑，馬不得成列。既次深河，連克牛毛馬家二砦，頗有新獲。時大清先以兵五百守董鄂路，聞綬軍至，逆戰。綬軍圍之數重，大清兵眾寡不敵，失亡二裨將及卒五十。

人餘潰圍得脫時緹深入三百里杜松軍已覆緹猶不知復整衆前進遇大清兵緹引軍登岡將布陣大清兵亦登岡出其上而別以一軍趨緹西岡上軍自高馳下奮擊緹軍緹亦殊死戰而西來軍復從旁夾擊緹軍不能支遂潰大清兵乘勝追擊與緹後隊二營軍遇後隊軍未及布陳為大清兵所乘亦敗緹戰死養子劉招孫者最驍勇見緹死突入圍中手格殺數人亦死士卒數萬得脫者無幾時康應乾及朝鮮軍營于富察之野大清遂移師邀之忽狂風驟起揚沙石應乾等軍連發火器反擊入已營

烟塵障天，竄兵盡悔營中大亂。大清兵乘勢衝擊，大破之。將卒掩殺殆盡，風遂息。應乾僅以數百騎免。喬一琦所將軍亦為大清兵擊破。一琦走入朝鮮營。大清兵追逼之。朝鮮都元帥姜弘立、副元帥金景瑞懼率眾降。一琦自縊死。先是楊錫闡、杜松、馬林二路兵敗，馳騎召緹及李如柏還騎，未至。緹已獲，獨如柏一軍獲全。事聞，神宗為遣中使存祭陣亡將士，恤緹家。天啟初，贈緹少保，世廕指揮。僉事立祠，曰表忠。

鄧子龍，豐城人，貌魁梧，驍捷絕倫，兼通翰墨。嘉靖中



江西寇起掠樟樹鎮子龍應有司辟破平之累功為  
廣東把總萬曆初從大帥張元勳討平巨盜賴元壽  
已從平陳金鶯羅紹清賊魁黃高輝逸走子龍入山  
生獲之遷銅鼓石守備尋擢署都指揮僉事掌浙江  
都司廣東巡撫劉克誨追論守備時貪虐狀下御史  
按問當輸贖奪職且言其智勇可用帝以子龍所犯  
情輕令却叙復會麻陽苗金道侶等作亂擢子龍叅  
將討之至則大破賊徒解散其黨五開衛卒初若虛  
等素桀驁不奉法監司按部至閉城不納及火其行  
署三捷守備焚其衣冠圖籍逐去之再捷遂黎平守

矣民被殺掠無算于是靖州銅鼓龍里諸苗咸響應  
為亂子龍督兵討之賊據城力拒子龍火其東門以  
致賊而潛兵入其北門賊遂滅十一年閏二月緬甸  
犯雲南詔移子龍永昌本邦所部耿馬有奸人罕度  
與兵鳳同為逆說緬酋莽應裡舉兵內侵應裡喜即  
用度為木邦宣慰使度于是日夜治兵竟從緬賊寇  
掠千崖南甸諸處已引緬兵萬人渡查理江互犯姚  
關灣甸土知州景宗真及茅宗村率兵助之遠近震  
懼子龍急提兵逆擊之戰于攀枝樹下賊大敗陣斬  
景真度及其部衆以千計生獲景材度子招罕招色

奔據三尖山險峻不可攻賊自謂得天險官兵必  
不能至乃令叔父罕老率蒲人藥弩手五百阻守要  
害其間道通賊巢處惟蒲人知之子龍計蒲人性貪  
可以利誘也密遣使啗以金帛果盡知其處乃命裨  
將鄧勇等提北勝滾梁諸蕃兵直搗賊巢夜手攀藤  
而上而預伏兵于山後黎明賊忽見官軍至大驚倉  
皇擲木石下擊士卒多傷而山後軍亦掩至山前火  
器競發賊不能走奔走墜崖谷死者無算生擒罕老  
招色罕老及其黨百三十餘人斬首五百餘級尖山  
巢空乃下令招撫流移自占復業者數千人會割緄

亦傳岳鳳以獻帝悅大行敕賚進于龍副總兵于世  
歷無何緬賊復寇猛密大為把總高國昌所破于龍  
以犄角功亦獲優叙自是蠻人先附緬賊者多未歸  
附邊徵獲寧永昌騰衛風號樂土自岳罕倡亂始議  
募兵所募多避方亡命乃立騰姚兩營劉綎將騰于  
龍將姚兩將不相能致兩軍角鬪互有損傷中朝以  
兩將方有戰功置不問既而綎罷劉天俸未代天俸  
被逮遂以于龍兼統之于龍右姚兵每工作輒虐使  
騰兵及用師隴川兩營兵俱在于龍故為低昂姚兵  
又挾主帥以凌騰騰友不堪有訛言罷于龍者騰兵

謹謀欲結隊歸副使姜忻急令他將兼轄諸軍乃定而姚營久為子龍所驕因索餉洵洵子龍欲俟騰營散盡乃給姚營眾遂奮臂大呼趨演武場張大纛殺掠居民遂由永昌大理拔會城所過剽婦女劫吏民城門盡閉已屯眾楊林與官軍相持不勝則詭降以緩師因突圍出會諸兵並集夾擊之亂卒屢敗俘獲四百餘人斬八十餘人餘釋不問亂始靖子龍坐視官下吏十八年猛養賊思箇叛箇初為緬賊所連勢窮未歸會初設猛養長官司即以箇為長官蓋是叛檄緬引緬兵寇華養破孟拱其冬又破孟廣大肆殺

掠西陸震驚時于龍方對簿巡撫吳定謂破緬非于龍不可請命立功自贖帝許之命未至定已與黔國公沐昌祚遣將却之無何丁改十寨賊普應春霸生等作亂焚掠遠近勢甚張定大徵漢土軍令于龍以一軍攻其右游擊楊威以一軍攻其左兩軍尅期並進大破之斬首一千二百俘獲倍之脅從招降者六千六百帝為告謝郊廟宣授賀優于龍副總兵署金山叅將事先是猛廣土官思仁悉其嫂甘線姑欲得之弗克偕其黨兩測叛歸莽酋數導入寇二十年酋果發兵攻孟養犯蠻莫土官同知思紀奔等練山

子龍急提兵擊賊之賊引去子龍尋被劫罷歸二十  
七年朝鮮用師詔以故官領水軍從陳璘東征倭賊  
將渡海適璘遣子龍偕朝鮮統制使李舜臣督水軍  
千人駕三巨艦為前鋒邀之釜山南海遇賊舟子龍  
素慷慨好功名年踰七十意氣彌厲至是欲得首功  
急携壯士二百人躍上朝鮮舟五前奮擊賊死傷無  
算忽他舟擲火器誤入子龍舟火發舟中大擾賊乘  
勢來擊子龍戰死舜臣赴救亦死事聞贈都督僉事  
世廕一子廟祀朝鮮

李應祥湖廣九真衛人以武生從軍積功至廣西恩

恩泰將萬曆七年巡撫張任大征十寨應祥統一軍  
由三里入合諸軍破平之即其地設三鎮築城到成  
應祥方有事營建會擢松潘副總兵當事者奏留之  
乃以新秩滋舊任十年從總兵王尚文大破馬平賊  
韋王明尋以署都督僉事入為五軍副將十二年改  
南京後府僉書出為四川總兵官松茂諸番到峇四  
十有八歲為吏民患王廷膳撫蜀時嘗遣副將吳子  
忠擊破去骨人荒浚古三峽諸酋懼款軍門乞降故  
事諸番歲有賫齎番恃強要素無已其未堡也則有  
下馬酒上馬酒解渴酒過堡酒及熱衣錢氣力錢偏



手錢譜曰戍軍更番亦奉以錢曰新班錢柴梁錢放  
狗錢澆草錢掛絲錢將士奉之惟謹至是廷瞻一切  
除之而納其降西陲稍靖僅六七年勢復猖獗是年  
夏楊柳番賊出攻普安堡犯歸水崖石門坎遂擁入  
金瓶堡殺守將迪撫維遵屬應祥討之應祥提卒三  
千趨入茂州克其一岩意諸番恐怖可撫定也番恃  
險剽掠如故亡何遵罷宣城徐元泰來代馳檄諭之  
使三反番不應窺蒲江關斷歸水崖黃木坎道築墻  
五哨隔絕東南聲援見官軍少相顧笑曰官人聲言  
調兵直結我舟如此磨子兵其奈我何磨子者謂止

旋轉而數不增也既而師屢出無功賊日踞小巔援  
馬索戰十一月擁衆五千人突犯平夷堡官軍與戰  
却之掠良民去剽其腸統二牛角牛奔腸皆寸裂其  
殘酷如此明年正月遂圍蒲江閔駕砲環擊雉堞盡  
毀守將朱文達出戰斬數十人賊稍解東南路始通  
元泰決計大征所調諸路兵悉集乃命游擊周于德  
將揚州兵為前鋒游擊達之垣將百陽兵為後拒故  
總兵郭成將叙為兵扼其吭泰將朱文達將平茶兵  
擊其脇而應祥居中節制泰議王鳳監之應祥令軍  
中各樹赤白幟一良民陷賊者徒手立赤幟下熟商

不附賊者徒手立白幟下即免罪先是番賊雖多遇  
急不相救有國師喇麻者頗狡智聯姻青海酋丙免  
勾引部落駐牧松城外者千計勢益強乃與其黨灣  
仲占柯等刻木連合大小諸姓軟血組盟具交遂合  
至是軍興喇麻邀灣仲占諸酋先犯歸化以害官軍  
于德投伏誘擊生擒喇麻灣仲守備曹希彬獲桀斬  
占柯賊其衆賊遂奪氣丟骨人荒波古三峇番賊中  
最强者于德皆攻克之復連破卜洞王諸峇大達成  
之垣亦各進兵拔其數峇與于德軍合遂攻破蜈蚣  
茹兒諸巢先是嘉靖初之垣祖翰以指揮討茹兒賊

被殺賊以其責人也漆其頭為飲器至是通六十年  
之垣得之泣遂還葬馬賊既屢北官軍連營追之每  
戰皆捷賊窘悉棄牛馬輜重餽官軍官軍不顧斬關  
入賊多竄死崖下河東平尋渡河而西連破西坡西  
草歪地乾濟樹底諸寨有小粟谷者實始為亂塊大  
軍既西不設備郭威以銳卒夜襲之大獲牛尾砦地  
尤險惡將士三路進攻火其柵斬酋合兒結父子河  
西亦平諸營得所積糧粟留軍十日盡焚其砦以六  
月班師其逃死窮谷者求偏頭結賽乞降應祥令埋  
奴設誓而後許之埋奴者蕃人反接其奴獻于軍前

講天而誓即率至要路掘坎埋之而露其首是日埋者凡二十三人偏頭結賽雅善天竺僧僧曉望氣術言歲在鷄犬蕃當有既偏頭信之預匿山谷中獨免於難逸賊以為神跡其所在羅拜求之故偏頭為之請是役也焚砌房千六百有奇生擒賊魁三十餘人俘馘以千餘計自是群蕃震驚不敢為患邊人樹碑記績焉建昌越雋諸衛番探雜居建昌逆酋曰安守曰五咱曰王大咱與越雋邛都黑骨夸並起為亂殺吏民不可勝計巡撫元泰議討之徵兵萬八千仍以天達之垣分將而應祥統之副使周光錫監其軍十

一月光錫先渡瀘則黑骨與大咱已據相嶺焚三峽  
橋五咱等亦寇禮州德昌二所勢甚熾時徵兵未集  
光錫先用屯守兵設疑以嘗相嶺賊賊果退據桐槽  
桐槽者大咱巢穴所在也十二月諸道兵並抵越窩  
應祥令文達攻五咱之垣攻大咱而姑置黑骨夷弗  
問夜半發兵走三百里抵禮州陳兵于河賊半渡逆  
官軍文達麾兵擊敗之遂渡河搗其巢而之垣攻桐  
槽者亦屢破之大咱亡入山峪中亡何五咱據磨旗  
山挑戰官軍張兩翼奮擊賊披靡退保旄牛山山延  
袤六七百里連大小西番界文達兵大破之五咱西

遁與安守合結砦西谿會所徵鹽井刺馬兵三千至  
其人猙獰跳躍類非人形諸番所深畏者明年正月  
應祥偵知賊將劫營乃潛移已營而令刺馬兵屯其  
處夜分賊果來襲刺馬起擊之伏屍狼籍諸將遂進  
攻西谿賊不能守遁遁將士窮追直抵摩步七板焉  
連兵以圖五哨而別令裨將田中耕率兵營于麥連  
逼安守會謀者報守謀襲中耕應祥夜召材官高達  
勝飲以三巨觥令率敢死士三百銜枚間道疾趨七  
十里抵麥連而伏其夕賊果至伏兵倏起格鬪賊大  
敗生擒守守為群寇巨魁守殲則西南之邛笮苴蘭

靡莫諸酋無不震怖于是商山四堡之西番乞降于  
之垣大小七板之西番乞降于文達各埋奴道左呼  
號頓首誓世世不敢叛二將乃許之而五咱勢窮獲  
走昌州亦為裨將王言所獲土目安四兒者身居建  
昌城中潛刺掠于外至是知禍及平黨數百人走據  
虛即濤自固諸軍既滅五咱應祥遠之北行亦將討  
黑骨者四兒遂弛備將士忽還軍襲之賊大敗追獲  
四兒于西番獲整軍討大咱初大咱兵敗遁匿所親  
普雄酋長姑咱所姑咱見大軍臨境俱密告于裨將  
王之翰之翰執洞穴搜得之而黑夷酋長阿弓等七大



首先已為之翰伏兵大孤山擒致麾下于是建昌越  
萬諸番盡平上首功二千有奇撫降者三千餘人時  
萬曆十五年七月也邛部屬夷有賊乃者地近馬湖  
其酋撒假與外兄安興木瓜夷白祿甯坡賊楊九乍  
等數侵掠內地先嘗議征之會有都蠻之役不果乃  
建六堡益戍卒千二百人而諸酋鴟張如故及建越  
師興又藏納叛人元泰乃令都指揮李猷忠等率兵  
分勦賊詐降誘執猷忠等三將殺士卒數千人勢益  
猖獗至是應祥等師旆元泰蓋徵播州而勝諸土兵  
合五萬人令應祥督文達之垣及周于德諸將分三

道入故總兵郭威亦從征十一月于德首敗白祿兵  
進至馬蝗山山勢險峻賊木石交下將士攀藤懸索  
而登賊奔潰乘勢進攻木瓜夷白祿以千人來戰射  
殺之進至利濟山雪深數尺于德身先士卒直登其  
巔賊獲大敗燬其巢先是撒假與楊九乍率衆萬人  
據山接戰播州兵擊敗之賊走至是文達復破之大  
田壩合于德軍追亡遂北所向克捷游擊萬鏊躡擊  
撒假于鼠園獲其妻子郭威獲進至三寶山大戰生  
擒撒假安興勢窮據巢固守文達鑿分道直入獲其  
毋妻安興擲金于途以緩追者遂得脫已諸軍窮追

深入竟獲之他夷探畏威降者二千餘人悉獻還土  
田願修職貢兵乃罷凡斬首一千八百俘獲七百五  
十有奇以其地置屏山縣論功應祥累加都督同知  
元泰亦至兵部尚書當是時蜀中劇寇盡平應祥威  
名甚著其明年御史傅霽按部而詰應祥冒餼應祥  
懼賄以千金為霽舉奏遂罷職居二年兵部舉應祥  
僉書南京右府兵科薛三才力持不可命遂復二十  
八年大征播州貴州總兵官董元鎮退邊不進總督  
李化龍劾之薦應祥代時分兵八道貴州分烏江興  
隆二道詔元鎮充為事官由烏江入而應祥由興隆

入先是諸道寇期二月望日進兵此應祥受事則已三月下旬副將陳寅等已連克數圍拒賊四牌高圍下別遣兵從間道直搗龍水圍他將蔡兆吉又自乾坪抵箬岡逼四牌賊首謝朝俸營其地四面峭壁深箬前為二閘賊從高鼓譟而下官軍殊死戰斬獲甚多俘朝俸妻子乘勝直抵河畔會烏江敗書聞敵兵不進者旬日而應祥已受任趣諸將急渡寅等乃取他道渡河而潛為浮橋以濟師諸軍畢渡則賊衆失險乞降者相繼應祥悉受之賊所恃止黃灘一閘層崖壁立賊聚衆死守會賊徒石勝俸等率萬餘人來

降應祥責全立功取信勝俸曰去黃灘三十里有三  
渡閘入播門戶也先襲破之則黃灘孤立難守應祥  
然其計令偕陳寅率精卒四千夜抵閘下勝俸先以  
數十騎賺開前門盡殲其戍卒黃灘賊懼益增兵固  
拒寅督諸將渡河攻閘之前而全勝俸由墳林暗渡  
襲閘後賊前後被敵大敗應祥遂直抵海龍因令諸  
道兵共滅楊應龍還鎮銅仁明年改鎮四川既而播  
遠賊吳洪盧文秀等惡有司法嚴濬謀不軌而遵義  
知縣蕭鳴世素失衆心洪等遂假稱應龍有子衆衆  
為亂應祥偕副使傅先宅督兵捕之盡獲應祥等卒

于官以平播功贈左都督世歷千戶應祥有胆智其  
為將謀勇兼資故所至奏績而平蜀三大寇元泰調  
度功亦為時所稱

陳璘字朝爵廣東翁源人嘉靖末為指揮僉事從討  
英德賊有功進廣東守備與平大盜賴元爵及嶺東  
殘寇萬曆初高要賊鄧勝龍作亂討平之又破平揭  
陽賊及山賊鍾月泉累進署都指揮僉事僉書廣東  
都司官軍之攻諸良賢也副將李誠立戰敗諸軍奪  
氣制府殷正茂請假璘叅將得自將一軍果與諸軍  
共平賊捷聲震游擊將軍從高州叅將總督凌雲翼

將大征羅旁先不令鵬勅璘所破凡九十寨俘斬無算已分十道大征璘以一軍從信宜入會諸軍覆滅之以其地置羅定州及東安西寧二縣卽遷璘副總兵署東安泰將事未幾東西兩山餘孽復亂殺掠吏民資璘戴罪辦賊璘僉他將朱文達攻破石牛青水諸寨斬捕三百六十餘人授俸如故時東安初定璘大興土木營建寺廟役及部卒且勒其出背卒咸怒會他營自戍所還致商民物為哨官所讓弁黃玉執哨官痛挾之遂侶亂群卒和之推玉為主縱掠旁近州縣璘急懸賞購壯士擊斬玉及其黨百餘人餘賊

竄入廣西亦為官軍勦絕先是兵變聞璘坐奪官至是得除罪十二年改狼山副總兵璘有謀畧善將兵而所至貪贖為巡方御史所劾褫官永錮璘既被廢朝士多惜其才不敢荐至二十年朝鮮用兵以璘素熟倭情命添注神機七營叅將馳騎趣之至則改神樞右副將無何擢署都督僉事充副總兵協守薊鎮明年正月招以本官統薊遼保定山東軍禦倭防海日本封貢議起海上暫休兵改璘協守漳潮二郡生贈遺兵部石星為所舉奏獲罷歸二十五年封事敗朝鮮再用師起璘故官統廣東兵五千赴援明年二



水權禦倭總兵官與麻貴劉綎各將一軍璘部卒次  
山海關挾餉鼓譟璘被旨煎讓尋令提督水軍與麻  
貴劉綎董一元分道並進副將陳蔭鄧子龍游擊馬  
文煥李金張良相等皆屬馬兵萬三千餘人戰艦數  
百艘分布忠清金羅慶尚諸海口互相應援先是賊  
泛海出沒官軍乏舟楫竟無邀擊之者故賊益得志  
至是戰艦偵邏不絕賊益懼不復敢往來海中及平  
秀吉死賊將遁璘喜曰吾屬賊賊收功在此舉矣  
急遣鄧子龍付朝鮮將李舜臣為前鋒邀之于龍過  
賊戰凌遠陳季金等軍至邀擊之賊本不習水戰

大無聞志官軍用火焚其舟賊大敗其脫走登岸者  
又為陸兵所獲焚溺死者萬計時劉綬方攻行長驅  
入順天大城璘以舟師協擊復焚其舟百餘十一月  
石曼子引兵西援行長璘邀之半洋擊敗之曼子死  
賊其徒三百餘餘賊退保錦山官軍批之不出已渡  
匿己山崖深道險將士不敢進璘夜督兵潛入圍其  
岩洞比明砲發賊大驚奔據後山憑高下擊將士殊  
死仰攻賊復遁走璘分道追擊賊大敗授勅道擊無  
一虜者以論功璘為首綬次之賁又次之進璘都督  
同知世廕指揮僉事師甫旋會有征播之役命璘為

湖廣總兵官督兵由偏橋進副將陳良玘別為一軍  
由龍泉進并受璘節制二十八年二月軍次白泥楊  
應龍于朝棟率眾二萬渡烏江迎戰璘發前哨禦之  
而分左右兩翼潛躡其後兵甫交賊少挫即遁兩翼  
兵追之賊棄營奔龍溪山令西牌賊拒敵四牌在江  
外與江內七牌分五司遺種九股惡苗素助賊為虐  
璘預遣人招撫諸苗多來歸乃進軍龍溪會謀者報  
有伏令游擊陳策統兵銜枚疾趨伏果四起策軍用  
火器擊之賊奔高樓險矢石雨下璘身先迎敵斬小  
校先退者以徇以軍賊乘把總吳應龍等陷陣先登

賊大潰退四牌保兒圍璘遣二裨將引軍逼之未伏  
被圍璘急懸賞募死士應龍等直前奮擊內外合勢  
賊復潰奔據固巔入夜由山後遁去黎明追及于袁  
家渡賊返關復敗悉渡江遁四牌之賊遂盡三月督  
軍葛餘營七牌野豬山伺官軍襲擊璘即勅兵夜發  
次早抵苦練坪前鋒遇賊與戰後軍亦至夾擊之賊  
敗逃入深箐官軍遂攻入苦菜園會董元鎮烏江師  
敗璘軍大懼請退師制府李化龍不可璘乃進營楠  
木橋四月次涓潭時賊悉聚青蛇長故瑪瑙保子四  
圍地皆絕險而青蛇尤甚璘議同日併攻則兵分力

弱止攻一國則三國相助乃先攻三國次及青蛇時  
陳良玘師亦來會乃令取道至國後設伏別以一軍  
守板角關防賊越逸而璘親督諸將力攻三日賊死  
傷無算三國遂下青蛇勢孤但四面陡絕無路可上  
璘遣兵圍其三面臨死士從瑪瑙後附葛板崖竊至  
青蛇山背舉砲為號賊惶駭諸軍進攻焚其茅屋賊  
倉皇退入國內木石交下將士冒死板援而上毀其  
木柵二重賊乘夜欲遁為官軍擊回時賊勢已窮璘  
意生殺不主撫故賊致死堅守將士前後奔擊賊不  
能走遂大敗斬首一千九百有奇七牌之賊亦盡乃

分兵六道攻克大小三渡關五月乘勝直抵海龍圍  
下合諸軍進攻時諸將俱攻圍前獨水西安慶臣攻  
其後相持四十餘日其下受賊重賄多與之通且潛  
以火藥遺賊故賊但僞圍前不併其後璘知之與監  
軍者謀令疆臣退一舍而璘移營於其處置鉄牌百  
餘接近賊圍相距止丈許賊強弩無所施又為窺板  
於柵外賊初每夜出劫營至是為釘所傷不敢復出  
應龍勢窮相聚而哭先是制府有令諸將分日進攻  
六月六日璘與吳廣當進兵璘募死士以夜四更銜  
枚直上賊柵斬睡斬其守關者更柵白幟鳴號砲賊

大驚潰散。應龍自焚吳廣軍，亦至賊盡。平遂移師討皮林。皮林在湖貴交，與九股苗壤相接。山川險阻，有吳國佐者，洪州司特洞寨苗也。始祖曰奇兒，洪武時稱亂，死靖間，誅死。其後裔大榮居貴州，亦以不軌誅國佐其從子也。榮黠無賴，嘗游江淮，通漢語，略知文義。大榮死，國佐收其妾黎平府持之，意國佐素往來諸苗洞，習其酋長酋彭舉尚馬等，咸推服之。至是遂反，自稱大皇上，將其黨石篆太亦自稱太保，與國佐合攻上黃堡。參將黃冲霄等討之，國佐偽降，誘入伏賊也。冲霄走，永從縣國佐連至城下，殺士卒千餘人。

漢水為赤苑守備張世忠及其肉俾自啖世忠為不  
絕口竟為賊所食遂縱掠七堡七十餘焚五關南城  
陷永從圍中潮所勢甚熾時方有播州之役未暇討  
也至是偏沅巡撫江鐸命璘與陳良玘合兵進討良  
玘失利敗益得志明年正月鐸移駐靖州命璘率副  
將李遇文等分七道進璘軍擒苗酋銀貢等游擊宋  
大斌攻破特峒苗據險不出將士縱火焚之多死國  
佐逃天浦四十八寨復入古州毛洞追獲之石纂太  
逃廣西上岩山指揮徐特達誘而縛之賊黨楊永祿  
率衆萬餘范白冲游擊沈弘猷等督兵夾攻生獲永



祿諸苗悉平先是征播時璘使使至總督李化龍家  
技以重賄會劉綎先遣使投賄為化龍父所揮璘使  
聞而走化龍後疏于朝綎獲罪璘以賄未至門獲免  
後兵部尚書田樂推璘鎮貴州給事中洪瞻祖遂劾  
璘營求帝以璘東西積有戰功卒如樂議責東西二  
路苗曰仲家苗盤踞貴龍平新之間為諸苗領袖在  
水碾山介于銅仁思石者曰山苗紅苗之羽翼也自  
平播後貴州物力大屈苗益生心剽掠無虛日巡撫  
郭子章請于朝令璘督軍萬人攻水碾游擊劉岳齋  
宣慰安履臣軍萬人攻西路並克之乃令璘移營新

添獨攻東谷璘出奇鼓勇復克之生獲苗首十二人斬首三千餘級招降者萬三千餘人部內遺靖三十四年改鎮廣東平官先是叙平播功加璘左都督世廕指揮使既卒以平苗功贈太子太保再廕百戶

馬孔英者宣外塞外降丁也積戰功為寧夏泰將萬曆二十年李拜反引河套賊入寇孔英屢擊敗之旬是賊歲犯邊孔英拒戰並有斬獲卜失兔之入下馬閑也孔英從麻賁邀擊大獲進本鎮副總兵二十四年秋着力克宰僧連兵犯平鹵橫城孔英偕泰將鄧胤率銳師力戰賊大敗斬首二百七十有奇孔英賜

金幣命侯大將缺推用兵部以孔英降人用為邊帥  
無以示外蕃且呼拜新以降人叛乃擢署都督僉事  
以總兵官蒞舊任尋以閩事叙勞進秩為真二十七  
年着宰二首復犯平鹵及興武孔英與杜桐等分道  
追襲大敗之亡何賊再入又擊敗之明年大征播州  
楊應龍詔發陝西四鎮兵令孔英將之以往時兵分  
八道孔英所入南川道獨險遠去應龍海龍圍可六  
七百里方孔英未至時重慶推官高折枝監紀軍事  
請獨當一面乃與叅將周國柱先以石砭壘撫馬千  
乘兵破賊壘筑復督百陽壘撫丹御龍敗賊于官壩

二月孔英至軍平茶邑梅兵亦集軍容甚壯乃先師  
期一日督諸軍入真州卽用其土官鄭葵路麟為鄉  
導別遣兵千人扼明月關清運道諸軍遂鼓行而  
前連破賊四寨十七日攻赤崖自崖抵清水坪封寧  
關賊連營十數列兵固守官軍分道進擊悉破之直  
逼桑木關而營內民聞大軍至扶老携幼而降者  
日以千計折枝結三大砦處之下令殺人者死掠財  
物者還至自是降者日衆賊勢益孤是關為賊要害  
山險菁深賊憑高下拒官軍怯于仰攻乃令千乘以  
一軍出關左御龍以一軍出關右圍柱以一軍獨搗

其中賊用標鎗藥矢鼓譟而來鋒銳甚官軍殊死力  
戰賊不能走遂披靡官軍乘勝奪關遂北至風坎關  
賊復大敗再破九杆黑水諸關苦竹羊崖銅鼓諸寨  
國柱遂進攻金子壩賊無一人國柱疑有伏焚其空  
砦十九嚴兵以待亡何賊果從溝箐突出擊敗之孔  
英乃留王之翰兵守白土臺衛饒道平茶邑梅兵守  
桑木關而親提大軍進營金子壩應龍關桑木關破  
大懼遣弟世龍及心腹楊珠以銳卒劫之翰營之翰  
走殺饒卒無算平茶兵聞警來援賊始退孔英乃還  
軍擊世龍戰復不勝會却卒連發火矢殲將劉勝復

從秀奮擊賊乃敗奔官軍進營胡山口由胡山至數  
于橋深箬翁翳賊處處設伏悉為官軍勦平應龍益  
懼遣心腹數輩詐降謀為內應折杖得其情盡收斬  
之而伏兵以待夜半楊珠果率眾劫營伏發賊驚潰  
連奔至高坪已奪賊蒼馬城直抵海龍第二關下海  
龍為賊渠巢穴地益險賊守兵益多孔英軍已深入  
而諸道未有至者酉陽兵慮勢孤先退延綏兵亦退  
賊躡之殺官兵六十人居數日劉綬兵亦至乃合兵  
連克滄崖海門諸關賊走保固上竟致覆滅初總督  
李化龍既尅師期諸將莫利先入孔英所將盡遣兵

及諸土兵又皆獲悍而監紀折枝智勇有謀故進師  
獨先既八道並圍海龍諸將以圖後易攻爭走其後  
孔英獨以一軍壁閔前卒致賊黨盡縛無一脫者錄  
功進都督同知世廕千戶久之以總兵官鎮貴州罷  
歸卒孔英起降夷南征北討並著戰功居官不謹飭  
解 時論多之

吳廣廣東人以武生從軍累著戰功歷廣東游擊將  
軍福建南路叅將坐事罷歸會本溪楊反總督陳大  
科檄廣從總兵董元鎮討之賊據山為巢發矢如雨  
將士少却廣手斬一卒以狗衣籠奮遂大破之論功

優故官萬亨二十五年以副總兵從劉綎禦倭朝鮮  
廣領水軍與陳璘相犄角倭斬甚衆甫班師時議大  
征播州擢廣總兵官以一軍出令江副將曹希彬以  
一軍出永寧受廣節度明年二月兩軍並進廣結大  
營于二部壩大行招徠賊帥郭通緒者最驍悍聞官  
軍至統群苗迎敵將士乘其營壘未定夜襲之群苗  
奔潰由是陶洪安材羅材三峇土官各率部下出降  
他部聞風相繼來歸者數萬人廣擇其壯者從軍軍  
聲益振三月朔通緒遣兵托穿崖圍阻官軍廣督土  
漢軍四面合擊破之是時劉綎馬孔英兩軍已入播



境而廣猶頓兵二部不進總督李化龍趣之乃議進  
攻崖門分兵四哨奔進別遣永寧女土官奢世績等  
督羿兵二千扼桑木垣諸要害以防饋道既而諸將  
進軍且戰且撫連破數寨是月晦遂進營毋錯塘楊  
應龍聞之懼令通緒盡發閩外兵拒敵廣潛令砲手  
五百伏磨槍垣外南岡下而遣裨將趙應科引兵梳  
戰垣兩山相夾中甚隘通緒屯兵其間至是飛馬橫  
梁直衝應科應科佯北通緒追出垣遇伏急旋馬中  
砲墜通緒方躍上他馬伏兵攢刺之殪餘賊大奔官  
軍乘勝遂北城既夫主盡降官軍遂進薄崖門崖門

徑小止容。騎四月朔賊擁衆萬餘出關拒戰希彬懸賞千金士爭奮攀崖競進賊敗走追至第四關關上男婦盡哭於是賊黨自殺其魁羅世恩率萬餘人出降其第一關猶拒守不下廣未夜銜枚疾進至則守者猶新睡遂奪其關關內民爭獻牛酒迎降時劉縱馬孔英雄已入關李應祥陳璘諸軍猶在關外廣令希彬軍連戰紅碗水土崖分水關諸處皆捷遂進營水牛塘應龍大懼知廣孤軍深入謀欲襲之乃遣人詐降廣測其詐堅壁以待俄應龍擁衆三萬直衝大營諸將殊死力戰爭聲震地會他將以兵來援賊

知不敵引退廣遂與諸道軍進逼海龍國賊益懼詭  
令婦人乞降哭于國上又詐報應龍仰藥死督府不  
信獨廣信之已覘知其詐急攻之燒第二閘奪三山  
絕賊樵汲賊益窘旋與陳璘從圍後登應龍急自焚  
死獲其子朝棟及妻田氏出應龍死烈焰中廣中毒  
矢斃絕而後越遂以本官鎮四川踰年卒初廣之頓  
兵二却也有言其受賄養寇者詔誦充為事官立功  
自効後論功贈都督同知世廕千戶

童元鎮桂林右衛武萬曆中為指揮從討平樂副賊  
莫天龍有以累遷游擊將軍高汝德反從太帥討賊

朋破平之。正永寧海格泰將進副總兵十九年擢署都督。食事為廣西總兵官。未幾改廣東二十三年。總督陳大科以元鎮熟知蠻事。仍移廣西岑溪西北為上下七山。介蒼藤間。有千田黎峒。白板九窰等三十七寨。東南為十三山。有九亮陀。田桑園。古欖魚。修等百餘寨。與廣東羅旁相聯絡。其地山高徑仄。菁深木茂。環數百里。無日色。賊首滿積善等據之久。為民患。及羅旁平。積善懼而乞降。為設泰將于大峒。統兵千餘戍之。其後將領多搭克士卒。又疲弱不堪。用賊復生。心時出剽掠。會歲饑。粵東亡命浪賊數百人潛入。

七山誘諸徭為亂勢益猖獗元鎮先以叅將成岑漢  
得諸徭心至是積善及其黨章月咸願招撫自初六  
十三山諸徭多受約束有訛言將勦北科徭者諸徭  
謂官家紹已大恨遂與孔亮山賊攻月殺之火大峒  
叅將署督撫陳大科戴燿屬元鎮討之時副將陳璘  
叅將吳廣方罷官里居大科起令將兵與元鎮並進  
賊見兵至伐大木塞道環布箠簽元鎮佯督軍閉道  
而潛從小徑上孔亮山賊憑高疾鬪弩矢雨下諸軍  
用火器攻之賊潰敗諸將疾追大破之俘賊千五百  
有奇餘招撫獲業元鎮以功增秩賜金會日本破朝

鮮廷議將由浙閩泛海直搗其巢牽制之乃攻元鎮  
浙江既而事寢移鎮貴州二十八年季化龍大征楊  
應龍令元鎮督永順鎮雄泗城諸土軍由烏江進元  
鎮在粵西頗有時名及是心憚應龍久駐銅仁不進  
督府屢趣之乃啓行時劉綎吳廣諸軍已進群賊議  
分兵固守獨叅謀孫時泰曰兵分則力薄不若乘官  
軍未集從其弱者先破之餘自退矣應龍善之及聞  
元鎮發烏江應龍喜曰此易與耳謀縱之渡江密以  
計取監軍按察使楊寅秋言烏江去搗不遠宜俟諸  
道深入協力齊驅元鎮不從於是永順兵先奪烏江

賊遣千餘人沿江叫罵以誘之諸軍既濟復奪老君  
閣前哨叅將謝崇壽乘勢督泗城雲南兵再拔河渡  
閏三月望賊果以步騎數千先衝雲南軍軍中驅象  
出戰賊多損傷俄駕象者斃象反走擲火器者又接  
擊已營陣亂泗城兵先走崇壽所部亦走爭浮橋橋  
斷殺溺死者數千人河渡既敗烏江軍相去六十里  
猶未知明日叅將楊顯發永順兵三百人出哨道遇  
賊數萬咸為水西軍衣裝永順兵不疑其偽反與盟  
誓且互更旗幟賊遂掩殺三百人亦襲其衣裝直趨  
烏江烏江軍信為水西永順軍不設偽偽遂為賊所

破爭先渡江賊已先斷浮橋於是數千人皆溺死楊  
顯及二子與馬元鎮所部共三萬人存者不及十一  
將校止崇壽等三人江水為之不流貴陽聞警居民  
盡奔避入城遠近震動化龍怒崇壽失律用尚方劍  
斬之再徵調益軍急徵鎮雄土官龍澄遠賊歸路龍  
澄者即安克臣水西安疆臣同產弟也其軍不與元  
鎮合故獨全而當事頗疑其通賊寅秋以鎮雄去播  
止二日程令其搗巢立効澄許之先河渡未敗時澄  
已遣部將劉岳王嘉猷攻板苦竹關及羊壩嶺暨敗  
報聞二將移營新站賊伏兵大水田別以五千人來



襲敗還嘉猷乃揚聲搗大水田而潛以一軍取間道  
拔大夫關直抵馬坎斬賊歸路與疆臣合軍賊遂退  
遁會都指揮徐成將續調軍至合泗城土官岑紹勳  
兵再克河渡關軍聲復振賊將張守欽袁五受據長  
箐萬丈林拒守永順兵擊破之進攻長箐生擒守欽  
攻清潭洞復擒五受賊大奔會朝議責元鎮敗狀令  
李應祥并將其軍遂合水西鎮雄諸部直抵海龍囤  
賊竟覆滅先是兵初與督府劾元鎮違違詔請為事  
官立功自劾及是論覆軍遠至京下吏罪當死法司  
援其前岑溪功得請戍煙瘴尋遇赦廣西巡撫戴燿

為之請部議不許竟卒於戍所

論曰矣荒瘴癘之巨絕壑懸崖杳無天日一旦提孤  
軍深入搜其他場而盡獲之亦匪易事也諸臣委身  
戮力僅而得當及事定功成書生則持文墨以議其  
後微獨叙賚罕行抑且謹訶橫及於是勞臣喪氣壯  
士灰心又何恠乎迨一朝有急則又檄而任之任之  
未終而挫折如故甚且鄙夷若奴隸疾惡等仇讎未  
縛牽掣惟恐不即敗斃以快其私者食人之祿分人  
之憂義固當如是耶古人不以一青掩大德二罪棄  
干城瑕瑜相兼詐貪可使何為如是其恢恢也俯仰

所衛明室為烈陵夷不競抑又何疑乎